



Grad Tuzla

Na osnovu člana 7. Pravilnika o utvrđivanju postupka i kriterija za dodjelu sredstava na ime podrške projektima iz oblasti društvenih djelatnosti organizacijama civilnog društva na području općine Tuzla ("Službeni glasnik Općine Tuzla", broj 06/14), Služba za razvoj, poduzetništvo i društvene djelatnosti Grada Tuzla, dana 06.05.2015. godine objavljuje:

JAVNI POZIV za dodjelu sredstava na ime podrške projektima organizacija civilnog društva sa područja grada Tuzla

I Predmet Javnog poziva

Služba za razvoj, poduzetništvo i društvene djelatnosti Grada Tuzla poziva sve organizacije civilnog društva (u daljem tekstu OCD) sa područja grada Tuzla da dostave prijedloge projekata iz oblasti društvenih djelatnosti, koji će se realizovati na području grada Tuzla i koji su u skladu sa razvojnim ciljevima Grada Tuzla, a iz sljedećih prioriternih oblasti:

1. kultura (folklor, festivali, kulturno nasljeđe, rukotvorine),
2. umjetnost (likovna, pozorišna, filmska, muzička),
3. socijalna zaštita (invalidne osobe organizatori i voditelji OCD, OCD sa misijom zbrinjavanja invalidnih i osoba u stanju socijalne potrebe, psihosocijalna zaštita),
4. ljudska prava (OCD koje promovišu ljudska prava, zaštitu okoliša, edukaciju, zdravlje).

U Budžetu Grada Tuzla za 2015. godinu, obezbijeđena su sredstva za podršku projektima iz oblasti društvenih djelatnosti, pozicionirana kao:

- Grantovi neprofitnim organizacijama–udruženja, organizacije i fondacije, u ukupnom iznosu od 40.000,00 KM.

Grad Tuzla zadržava pravo da ne dodijeli sva dostupna finansijska sredstva.

Namjenskim budžetskim sredstvima Grada Tuzla zainteresovani aplikanti mogu sufinansirati projekat kojim apliciraju, a dio sredstava mogu osigurati od drugih donatora.

Po apliciranom projektu se maksimalno može dodijeliti 10.000,00 KM.
Svaki aplikant može aplicirati sa maksimalno 3 projekta.

Odobrenim budžetskim sredstvima aplikanti mogu finansirati administrativne troškove i troškove osoblja u maksimalnom iznosu od 20%, dok preostali dio od 80%, aplikanti su dužni predvidjeti za programske aktivnosti podržavanog projekta.

II Pravo učešća

Pravo učešća na Javni poziv mogu ostvariti nevladine organizacije odnosno udruženja i fondacije sa sjedištem na području grada Tuzla (u daljem tekstu: aplikanti) čije su programske aktivnosti usmjerene na stvaranje uslova i klime za razvoj i unapređenje društvenih djelatnosti, koje aktivno djeluju u oblasti podrške i unapređenja društvenog razvoja na području grada Tuzla.

Sredstva se mogu dodijeliti i aplikantima sa sjedištem izvan grada Tuzla, a koji su registrovani na području Bosne i Hercegovine, samo u slučaju ako je implementacija konkretnog projekta od interesa za Grad Tuzla, što će se cijeliti u svakom konkretnom slučaju.

Na Javni poziv mogu se prijaviti aplikanti koji moraju zadovoljiti slijedeće opće uslove:

- a) da su osnovani i registrovani u Bosni i Hercegovini,
- b) da su vođeni od strane državljana Bosne i Hercegovine,
- c) da ne obavljaju aktivnosti u ime političkih partija
- d) da svoje aktivnosti realizuju na području grada Tuzla,
- e) da su projekti namijenjeni građanima grada Tuzla,
- f) da se projekti odnose na oblasti koje je Grad odredio kao prioritetne prema strateškim dokumentima,
- g) da se radi o projektima čija se implementacija završava najkasnije do 31.12. tekuće godine.

III Prijavna dokumentacija

Spisak dokumentacije koju je uz prijavu na Javni poziv aplikant obavezan dostaviti, naveden je u listi za provjeru koja se sa obrascima i uputstvima za prijavu, zajedno sa ovim Javnim pozivom objavljuje na oglasnoj tabli i web stranici Grada Tuzla (www.tuzla.ba).

IV Predaja aplikacija

Prijave na Javni poziv na propisanom obrascu (sa pratećom dokumentacijom) potrebno je u zatvorenoj koverti dostaviti na protokol Grada Tuzla (Centar za pružanje usluga građanima) ili poslati preporučeno poštom na adresu:

GRAD TUZLA
Služba za razvoj, poduzetništvo i društvene djelatnosti
Ulica ZAVNOBIH-a broj 11
75000 Tuzla

**sa obaveznom naznakom:
„ JAVNI POZIV
za dodjelu sredstava na ime podrške projektima organizacija civilnog društva sa
područja grada Tuzla - Ne otvarati“.**

Javni poziv je otvoren **15 dana** od dana objavljivanja (zaključno sa **21.05.2015. godine.**)

Projektni prijedlozi sa nepotpunom dokumentacijom i dostavljeni izvan predviđenog roka neće biti uzeti u razmatranje

Sve dodatne informacije o načinu i postupku učešća u Javnom pozivu mogu se dobiti u Službi za razvoj, poduzetništvo i društvene djelatnosti Grada Tuzla, direktno ili putem telefona: 035/307-334,415.

Program raspodjele finansijskih sredstava bit će objavljen na web stranici Grada Tuzla (www.tuzla.ba), a aplikanti čiji projekti nisu uvršteni u Program raspodjele o tome će biti pismeno obaviješteni u roku od 30 dana od dana zatvaranja Javnog poziva.

Informativni sastanak sa potencijalnim aplikantima a u vezi sa Javnim pozivom, bit će održan u četvrtak 14.05.2015. godine u 10,00 sati u sali za sastanke u zgradi gradske uprave - Ulica ZAVNOBIH-a broj 11, prizemlje.